

Headline	Ejen AP import kubis untung RM300 setan		
MediaTitle	Berita Harian	Color	Full Color
Date	10 Aug 2019	Circulation	82,252
Section	Nasional	Readership	246,756
Page No	8	ArticleSize	430 cm ²
Language	Malay	AdValue	RM 14,238
Journalist	Wartawan BH	PR Value	RM 42,714
Frequency	Daily		



Susulan laporan Kajian Pasaran Sektor Makanan MyCC

Ejen AP import kubis untung RM300 setan

Anggaran ikut pembayaran komisen setiap kilogram sayur

Oleh Wartawan BH
bhnews@bh.com.my

Kuala Lumpur: Ejen yang menerangkan menggunakan Permit Kelulusan (AP) bagi mengimport kubis bulat, dipercaya mengaut untung di antara RM80 hingga RM300 bagi setiap tan sayur itu dibawa masuk.

Anggaran keuntungan itu berdasarkan pembayaran komisen bagi setiap kilogram (kg) sayur yang dibawa masuk pada kadaranya di antara lapan hingga 30 sen terakluk kepada permintaan.

Sekiranya permintaan sayur tinggi, kadar komisen boleh mencapai sehingga 30 sen bagi setiap kg atau RM300 bagi satu tan yang bersamaan 1,000kg.

Kadar komisen paling rendah

pernah ditawarkan ialah lapan sen bagi setiap kg atau RM80 bagi satu tan bersamaan 1,000kg.

Pembabitan ejen atau orang tengah itu menyebabkan wujudnya lapisan ketiga dalam rantaian pembekalan kubis bulat yang kebanyakannya diimport dari China, sekali gus meningkatkan harga sayur perlu dibayar pengguna.

Berdasarkan semakan pada laman web dibangunkan Lembaga Pemasaran Pertanian Persekutuan (FAMA) bagi menyemak harga barang, termasuk sayur, harga kubis bulat pada 8 Ogos antara RM5 hingga RM5 mengikut lokasi.

Kegiatan penjualan dan penyeawaan AP mengimport kubis bulat didedahkan Kajian Pasaran Sektor Makanan dikendalikan Suruhanjaya Persaingan Malaysia (MyCC) dipercaya semakin menjadi-jadi kebelakangan ini, berikutan harga sayuran itu yang semakin meningkat.

Susulan pendedahan MyCC pada Selasa lalu, BH cuba mengesan kegiatan itu sebelum meneruni iklan dalam sesawang yang

menawarkan iklan perkhidmatan menyewa AP kubis.

Semakan terhadap sesawang yang mengiklankan pelbagai AP itu, ejen dikenali sebagai Man menawarkan perkhidmatan menyewa AP bagi mengimport kubis bulat dieluarkan Kementerian Pertanian dan Industri Asas Tani sejak pertengahan tahun lalu.

Ketika dihubungi untuk bertanya mengenai kuota kubis yang dijualnya, lelaki terbabit mendakwa AP miliknya sudah habis dijual ekoran permintaan tinggi dalam pasaran sekarang.

Lelaki itu mendakwa, kuota AP miliknya dan rakan ketika ini sudah habis, tetapi berjanji akan menghubungi kembali jika ada di antara mereka masih mempunyai baki permit itu.

Ditanya mengenai kadar bayaran sewa AP kubis bulat ketika ini, lelaki itu mendakwa ketika ini seawaan adalah di antara 15 hingga 30 sen sekilogram, tertakluk kepada harga dan permintaan sayur berkenaan dalam pasaran.

Individu terbabit mendakwa kuota AP miliknya digunakan se-



Keratan akbar BH 7 Ogos lalu.

penuhnya beberapa bulan lalu dan sudah dua kali diperbaharui.

Diadakwa terpaksa menyewakannya pada harga murah kerana kekurangan permintaan ketika itu.

"Akhir tahun tidak ramai mahu menyewa AP menyebabkan terjadi lambakan. Saya terpaksa tawarkan harga rendah untuk pastikan AP disewa."

"Ketika itu, pengimport bayar lapan sen, 10 sen dan 15 sen. Harga biasa 20 sen ke atas. Sekarang harga naik sedikit kerana permintaan tinggi, sebab itu banyak kuota sudah habis," katanya.

Berdasarkan Kajian Pasaran Sektor Makanan itu, kegiatan menyewa AP mengimport kubis adalah antara punca kenaikan harga sayur yang juga bekalan makanan utama rakyat negara ini.

Mengikut laporan itu, segelintir pemegang AP menjual atau menyewakannya berikut syarat mewajibkan mereka menggunakan 90 peratus kuota yang diperuntukkan bagi terus mendapatkannya pada masa depan.

Sistem sedia ada tidak membuat pengesanan sama ada pemegang AP terbabit benar-benar menjalankan urus niaga mengimport sayur dan tiada pemeriksaan dilakukan Jabatan Perkhidmatan Kuarantine dan Pemeriksaan Malaysia (MAQIS) selepas barang diepaskan di pintu masuk.

Sebaliknya penilaian bagi memohon AP atau memperbaharuiinya berdasarkan semakan pada dokumen yang antaranya meminta pemohon memberikan butiran seperti penyewaan bilik sejuk bekas dan gudang penyimpanan.